

Potus theae, quem dissertatione medica ... / submittit ... P.C. Dillaeus.

Contributors

Tillaeus, Pehr Cornelius, 1747-1827.

Linné, Carl von, 1707-1778.

Uppsala universitet.

Publication/Creation

Upsaliae : [publisher not identified], [1765]

Persistent URL

<https://wellcomecollection.org/works/mvrdsfwy>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

D. D.

POTUS THEAE,

Quem

Dissertatione Medica,

Venia Nobiliss. Fac. Med. in Reg. Acad. Ups.

Præside

Viro Nobilissimo & Generosissimo

DNO DOCT. CAROLO
Von LINNE,

EQUITE AURATO DE STELLA POLARI,

SAE RAE MATIS ARCHIATRO, MED. *et* BOTAN.

PROFESSRE REG. *et* ORD. ACAD. SCIENT. PARIS.

UPS. STOCKH. PETROP. BEROLIN. IMPER. NAT.

CURIOS. BERNENS. LOND. ANGL. MONSPEL.

TOLOS. FLORENT. *et* EDINB. MEMBRO,

In Audit. Carol. Maj. d. 7. Decembr. 1765.

Publico Submittit Examini

h. a. m. f.

Petrus C. Tillæus,

Vestmannus.

Upfaliæ.

MONSIEUR
F R E D E R I C⁹
A D E L H J E L M
CAPITAINE D'INFANTERIE *et* CHEVALIER
de L'ORDRE MILITAIRE

Monsieur!

Regardès d'un œil gracieux, je Vous supplie,
la liberté que je prens de Vous dedier ce pe-
tit essais Académique. Un juste devoir me com-
mande d'un côté de Vous marquer ma parfaite
reconnoissance à toutes les bontés & les bjenfaits,
dont Vous m'avès comblé depuis l'age de ma plus
tendre enfance, de l'autre côté mes moyens sont
trop foibles, pour tacher de les reconnoître. Ainsi,
Monsieur, je me contenterai, de Vous rendre au-
jourd'hui publiquement l'hommage que je Vous
dois en Vous assurant des sentimens de cette me-
me reconnoissance, & du respect infini que je con-
serve à tous Vos bjenfaits. D'ailleurs je ne cessè-
rai pendant le cours de ma vie, d'invoquer le
Tout-Puissant, qu'il veuille Vous favoriser de
toute sorte de bonheur & de prosperités. J'ai l'hon-
neur d'etre avec respect,

Monsieur,

Votre tres-humble &
tres obeissant serviteur
PIERRE C. TILLÆUS.

PROSTEN,

Högårevärdige och Höglärde

**HERR MAG. GEORG P.
TILLÆUS,**

Samt

PROSTINNAN,

Högådla FRU

**SARA CORNELIA
von MUYDEN,
MINE HULDASTE FÖRÅLDRAR.**

Hos mine Käraste Föräldrar nedlägger jag med skyldigaste vördnad förstlingen af mina, så väl Academiska, som i synnerhet Medicinska gjöromål. Utbeder mig derjemte förmonen att vid detta tillfälle, få afslurra ett, fast nog ringa, vedermåle af den årkänsla och hjertliga tacksamhet, jag för alla af mine Käraste Föräldrar åtniutna välgerningar, städse hyser. Uptagen, Käraste Föräldrar, dessa bladen åfven så gunstigt som mitt uppfåt med deras uppciffrande varit upricktigt. Vinnes min önskan, blisva både mine Käraste Föräldrar sjelfve övertygade om huru liten min förmåga är, då det kommer an på undfängna välgerningars erkännande, och jag får åter ett nögt tilfälle att anropa den Högste om sitt nådiga beskydd och välsignelse över mine Käraste Föräldrar i longliga tider, samt så länge jag lefver, med vördnad framhärla

MINE HULDASTE FÖRÅLDRARS

lydigste son

PEHR C. TILLÆUS.



I. N. J.

Cum aës Diætæ partes, quæ de potibus a-
gunt Coffeæ & Chocolatæ, a commilitoni-
bus quam nuperrime editas, publico vidi
non caruisse adplausu, bistoriolam etiam potus, apud
nostrates vulgatissimi, THEÆ, loquor, INFUSI,
nec antea ab his descripti, mecum statui fore tra-
dendam. Plura de potu Coffeæ & Theæ, quam de
ullo alio argumento, diversis linguis exstitisse scripta,
licet probe noverim, sed cum scientia haec, quem-
admodum omnes ejus partes, omni, qua fieri possit,
perspicuitate, adumbrentur, argumenti expostulet
vis, eapropter pauca de potu Theæ agere in animum
induxi, & in hunc de benevolentia pariter ac favo-
re Lectoris, in opusculo hoc excipiendo, me certiorem
facere, non est, quod dubitem. In hocce constitutus
negotio, tria potissimum mihi veniunt observanda:
Historia, videlicet Theæ naturalis ejusque
Usus, in foro tam Medico quam
communi.





I. NOMEN.



n disquirendo unde *Thea* nomen de-
sumtum sit, multus non ero, utrum
a Tjua Japonensium, an *Theb Chin-
nensium*, quod verisimillimum
videtur, potus noster suum no-
men derivat barbarum; vel quod
Botanici denominationem hanc la-
tinam, a *de Græcorum* assumserint,
eam ob rem, quod fruticem hunc Majores in divino ha-
buerint cultu, aliis relinquo inquirendam.

**GENUS a D:no Præside omnium primum rite distinctum
est, & in Generibus plantarum, edit. 6. N:o 668 propositum.
THEA.**

CAL. *Periantbium sexpartitum, minimum, planum: foli-
olis rotundis, obtusis, persistentibus.*

COR. *Petala sex, subrotunda, concava, æqualia, magna.*

STAM. *Filamenta numerosa (ducenta circiter), filifor-
mia, corolla breviora. Antheræ simplices.*

PIST. *Germen globoso - trigonum. Stylus subulatus,
longitudine staminum. Stigma triplex.*

A

GER.

GER. *Capsula* ex tribus globis coalita, trilocularis, apice trifariam dehiscentia.

SEM. solitaria, globosa, intortum angulata.

Et itaque frutex hic e Classe Polyandriæ, ordine Monogyniæ, suo a reliquis distinctus Charactere Generico *Capsula tricocca*.

SPECIES. Non nisi unicum Theæ dari speciem communiter creditum fuit, unde omnia ad potum conficiendum desumerentur folia; in Speciebus vero plantarum Dni Præsidis, duæ sunt receptæ species, *Theam* puta *Bobeam* & *viridem*, sibi invicem adeo similes, ut pro varietatibus tantum crederentur, eò quod Th. *Bobea* ovalia, Th. *viridis* autem oblongiora haberet folia, nisi major in flore conspecta fuerit differentia, petalis in Th. *Bobea* sex, in Th. *viridi* novem.

II. DESCRIPTIO.

CAUDEX est frutex humanae altitudinis, ab imo ad summum ramosus: ramis alternis, vagis, rigidi sculis, cinerascentibus; summis vero non nihil rufescientibus, teretibus.

FOLIA alterna, petiolata, obovata aut ovalia, consistentia, petennia, laevia, obtusa, ferrata, basi vero integerrima, subtus venosa, tamen glabra, utrinque viridia.

PETIOLI brevissimi, semicylindrici, subtus gibbi, supra plano-canaliculati.

STIPULÆ nullæ.

GEMMÆ acuminate, incurvatae, rufescentes: squamula exteriore decidua, reliquis in folia expandendis.

PEDUNCULI axillares foliorum, solitarii, rarius gemini, nudi, uniflori, albi.

FRUCTUS cernui, ex globo-so-tricocci.

SEMINA magnitudine nuclei Coryli, sed rotundata. *Cetera* ut in Charactere Generico.

II. SYNONYMA.

SYNONYMA plurima, tam ab iis, qui fruticem videre, quam ab illis quibus vises non fuit, data, enumere rare supervacaneum duco, illis tantummodo contentus, quæ in Spec. plantar. ut meliora, recensentur

THEA. Hort. Cliff. 204. Syst. Nat. 593. Mat. Med. 264.
Thee. Kæmph. jap. 6c5. t. 606

Thee frutex. Barth. act. 4. p. 1. t. 1. Bont. jav. 87. t. 88 Barr. rar. 128. t. 904.

Thee sinensium. Breyn. cent. III. t. 112. ic. 17. t. 3.
Bocc. mas. 114. t. 94.

Chaa. Bauh. pin. 147.

Evonymo affinis arbor orientalis nucifera, flore roseo.
Pluk. Alm. 139. t. 88. f 6.

FIGURAS inter, prima est *Bartholini*, fruticem hunc, utpote a specimine sicco delineata, non multum illustrans. *Bontii* altera, in ipsa licet India facta, ubi frutex conspicu potuerit, priori tamen parum præstantior.

Plukanetii omnium primum approbati potest.

Breynii adhuc melior est, &

Kæmpferi omnium optima, tam qua ipsam figuram, quam qua totam fruticis descretionem.

IV. LOCUS

Crescit, quantum adhuc notum, in *China* & *Japonia* tantum, ad latera collium & ad ripas in primis fluviorum, aquæ tamen nec stagnantis, nec Solis nimii cupidus. A Canton usque ad Pechinum in China reperitur, quod mirandum. Urbs Pechini aequali a polo longitudine ac Roma distat, regiones vero Orientales Europæis nostris longe sunt frigidiores, adeo ut Romano-Catholici, Pechini observationes instituentes meteorologicas, frigus ibidem esse multo acerbius, ac Stockholmiae, contendant. *Thea* in horto Academico, calorem quidem optime perferre videtur, tempore etiam hiberno, licet non intensissimum,

cumque per æstatem sub dio terræ fuit commissa, aequæ ac reliquæ Indicæ arbores viguit, eam tamen frigori hiemis exponere nondum licuit.

V. PRÆPARATIO.

Folia sunt hujus fruticis, quæ *Infusum* constituunt *Theæ*, digitis, unum post alterum, decerpta, quoque ju-niora, eo etjam meliora, habita. Hæc eodem die, quo colliguntur, & adhuc recentia, super laminationes ferreas strata, fornaci imponuntur calido, ut a fumo arceantur, cumque bene sudare inceperint, manibus crebro circum-volvuntur & siccantur, cui negotio bene perficiendo, manus requirantur adfuetæ, necesse est. Qui in hac re plura legere cupiat, *Kempferi* adeat *Fasciculos Amœnitatum exoticarum*. pag. 618 & seqq. *Geoffr. Mat. med.* 2. p. 276. ubi etjam instrumenta huc pertinentia lectorum non fu-giant. Fama plerorumque in ore est, *Theæ* folia in Chi-na prius infundi iterumque exsiccati, quam ad nos trans-portentur; rumor tamen hic, nullo nititur fundamento, & originem debere videtur Chinensium mori, folia primæ collectionis antea infundendi aquæ fervidæ, quam for-naci imponentur exsiccanda. Hoc vero tanta peragitur celeritate, ut vix aquæ immersa, rursus inde extrahantur. Folia præparata optime includi & asservari debent, ne alienus quispiam odor ingratior eis accedat, quo minoris evadant pretii, quemque omnium facillime attrahunt. Notatu sane dignum est, quod Chinenses omnes colligant plantas suas officinales, cum adhuc sunt tenellæ, nostris vero in locis eas non nisi adultas. Pluribus abhinc annis, D:rus Præses, è China huc allatam accepit officinam Phar-maceuticam, quæ tota quanta ex plantis eorum constabat officinalibus, ita tamen omnibus teneris collectis, & ante quam ne flores quidem se ostendissent erumpendos, ut fieri nullo modo posset, eas determinaret. Ut medi-co mihi heic observare liceat, *Pharmacopolia Chinensium*

ta-

talibus plerumque impletas esse simplicibus, & plantis simplicissimis, quæ ut specifica suo cuique morbo enunciantur, adeo ut ægrotas, morbum, quo laborat perspectum habens, eam ex officina illico quærat herbam, quam morbo illi norunt esse medentem, & manipulum inde acceptum, postea aquæ fervidæ infusum, Theæ instar, hauriat. Tota itaque eorum Medicina est practico-Empirica, nulla fundata Theoria. Usum querunt, ad vires & modum agendi non attendentes. Medicamenta vero haec simplicissima, plurimorum seculorum experientia apud eos comprobata, Medicinæ nostræ Europææ incrementum adderent sane non minimum, si Medicus quisquam cordatus, Botanicæ simul gnarus, iter ad has gentes instituere vellet, eum in primis in finem, ut genera & species officinalium, & morbos in quibus adhibentur, sibi familiares redderet; quod cuique Medico, scientia sua novis augenda inventis, maxime sollicito, curæ esse debet.

VI. ORIGO.

Quo casu *Thea* primum in Chinæ & Japonia in usu esse coepit, mei nunc non est instituti explicare, potum hunc inde ab antiquissimis retro temporibus ibi fuisse receptum, dixisse sufficiat. Narrationes nec de sancto illorum *Darma* utpote fabulosas, adferam, quibus, post centum aliquot annos nato Christo, eum potus inventorem fuisse, & fruticem ex superciliis illius crevisse statuant. Verisimillimum est, necessitatem, primam hujus potus fuisse magistrum. Etenim, aquam animadverentes impuram, quam coxerunt, salubrioris reddendæ causa, coctione fatuam fieri & insipidam, variarum ei infundere folia plantarum, ut sapidior pariter ac minus debitans redderetur, variisque foliis expertis, saporem, & gratiorem & minus medicatum, ei conciliari a foliis Theæ, observarunt. Elegantissimus etiam, quo utebantur in

hoc infuso propinando, modus, suis nempe vasculis mur-rhinis pulcherrime pictis, non potuit non oculos irritare Europæorum, adeo ut non solum potum hunc gustaverint, verum etiam secum ut præstantissimum ad Europam tran-stulerint. Eum vero postea tanta aviditate suile receptum ab Europæis, non est quod miremur; cum enim nemo nostratum, præter mercatores, ad has sint profecti regio-nes, unici operam navarunt, ut potum hunc Europæis insinuarent nationibus, ad consuetudinem, qua hæ genæ impetuose in alienis moribus imitandis rapiuntur, & ad lucrum sibimet ipsis inde redundaturum, attentes.

VII. ELOGIUM.

TULPIUS Medicus eruditissimus & Consul Amstelo-damensis, in primos fuit, qui anno 1641 orbi Europæo, talem Theæ notitiam communicavit. quam ipse accepit. Verba ejus sunt: *creditur nihil bac berba salubrius, cum ad vitam in senectutem prorogandam, tum ad impe-dienda quæcunque ianitatis incommoda; creditur hacc tollere calculum, hæsitudinem, &c. Somnum evidenter compescit, ut sorbitiones hujus decocti assumentes, videas interdum inte-gras noctes lucubrando consumere, & devincere inexpugnabi-lem dormiendi necessitatem. Principes viri non detrectant berbam amicis decoquere; in palatiis eorum curiosæ asser-vantur olle, infudibula, tripodes, calices, &c. aliquot a-ureorum millibus redempta.*

JONCQUETUS Medicus & Botanicus Gallus, anno 1657 in exlicatione stirpium, summum Theæ tribuit elogium; *Herba, inquit, divina, nondum cognita C. Baubini tem-poribus, creditur solis amor, in quam Ambrosiæ succos sic fundit salutares, ut qui hujus exhauserint decoctum, est quod arbitretur sibi senii pharmacum accepisse &c. Virtutem po-stea potus Theæ ad cœlum usque extulerunt Medici, in primis Hollandici, fundamenti loco substructes Physio-logiam, quam, maxime stabilem & certam esse, opinabantur.*

bantur. Vitam, in circulatione Sanguinis consistere, affirmabant, ideoque quo tenuior & dilutior sanguis reddi posset, eo facilius etiam per minima vasa & anastomoses penetraret, (cujus Theori e adhuc apud plurimos invaliduit error iste popularis, sanguinem spissum insalutarem, tenuem vero salubriorem esse, etiamsi tota die observent viris maxime robustis sanguinem inesse densiorem, cacheoticis & Leucophlegmaticis tenuorem) quam ob caussam utilius etiam nihil esse posset, quam massam sanguineam crebro diluere tenuissimo Theæ infuso. Hinc BONTEKOE (Belga) in der abhandlung von menschlichen leben, eo procedit temeritatis, ut omnes roget, quotidie tantum, quantum bauriri queat, bibant, incipiendo ab octo vel decem vasculis & pergendo quantum gula & ventriculus capere, & vesica iterum demittere queat, five mane, five meridie, five vespere, five nocte id fiat. WALSCHMIDIUS aliud etiam hyperbolicum Theæ encomium tradit in berichten von Theæ, quod eodem nititur fundamento. Ex dictis jam satis apparere existimaverim, mirum non esse, potum hunc a tot tantisque viis approbatum, in initio blande fuisse receptum ab Europæis, eorumque benevolentiam consecutum.

VIII. SUCCEDANEA.

Cum in initio Theæ justo majori pretio permultis visa fuerit, in eo desudarunt quamplurimi Europæi, ut folia plantarum quarundam indigenarum experientur, an eadem ac Thea, possident virtute, ut commode Theæ loco substitui possent. Hæc Medici vocant *Succedanea*, quorum adhuc nulla placuerunt. *Simon Pauli*, Medicus & Botanicus Hafniensis, folia nonnulla Theæ evolvens, ea figura & magnitudine cum nostra MYRICA Gale (Fl. Sv 907.) convenire dixit, atque fruticem Theam esse audiens, ea non nisi folia hujus esse fruticis, contendit. In speciali etiam opusculo demonstrare conatur, eandem in

in Europa crescere Theam, quam tanti pretii ab India
 ad nos transferri curamus, eamque antea coctam & sic-
 catam, ut omne amarum & solidum extracta sint, eundem
 non tantum praestare usum, quem Theam genuinam
 verum eandem plantam esse assertuit; in hoc vero cum fe-
 fellit opinio. Apud Nostrates fuerunt, qui folia *Acaciæ*
silvestris seu *PRUNI spinosæ* (Fl. Sv. 432.) pro succedaneo
 Theæ habuerunt, alii folia *ORIGANI vulgaris* (Fl. Sv.
 534.) aquæ fervidæ infusa, iterumque exsiccata, Theæ
 prorsus esse saporis, assertuerunt; haud ita pridem, na-
 tione quidam Norlandus, foliola si misit *Rubi arcticæ*,
 (Fl. Sv. 448.) in modum Theæ adhibenda; quod vero
 ut aptissimum, omnium fere mentibus se in culcavit suc-
 cedaneum, est *Veronica*, a Franzio, in opusculo pluries
 edito, quod *Veronica* vocat *Theezantem*, celebris facta.
 Nostræ *VERONICÆ officinali* (Fl. Sv. 12.) debitum non
 denego honorem, attamen eam pro potu quotidiano usi-
 tam, nimis esse stipticam & adstringentem contendō;
 hinc etiam *Berolinenses* in suis actis merito substituerunt
 ejus loco *VERONICAM Chamaedrym* (Fl. Sv. 18.) vel
 ut illa adhuc meliorem, *VERONICAM prostratam*, si un-
 quam mos semel receptus ratione & demonstrationibus
 refelli posset. Omnia tamen adhuc in hunc finem fru-
 stra fuerunt tentata, orbis nihilo minus suo lætatur
 Theæ infuso, quod non solum ab omnibus in Europa
 nobilioris conditionis, verum etiam ab infimæ fortis ho-
 minibus, inter culinaria usurpetur quotidiana, adeo ut
 tempore & matutino & saepè respertino ingurgitetur. In
 Europa autem tantummodo usurpati, ne credas, reliquæ
 enim tres mundi partes ejus non sunt expertes. In tota
India orientali, in *Africa*, ad *Caput bonæ spei*, in *America*,
Mexico, *Surinamo*, ad plagam mundi septentrionalem,
Tornoæ, immo per totum fere orbem, potus hic est recep-
 tissimus. Volentes, nolentes etiam profiteamur, oportet

tet nullum ex succedaneis adhuc detectis, sapore antecelere Theam.

IX. QUALITAS.

Potus, quem ex Thea præparamus, non est nisi simpliciter foliorum infusum, aqua fervida extractum, cui postea assumendo, paululum Sacchari additur, sæpe & Lactis, ut saporis fiat dulcioris. Vires, quibus hoc pollet infusum, si rite cognoscere velimus, distinctionem faciamus, necesse est, inter effectum Theæ 1:0 in se spectatæ, 2:0 cum aqua calida, & saccharo, mixtæ.

THEÆ, saltem ut ad nos transveßtæ, odor per se parum est volatilis, ideoque hoc respectu non multum in nervos efficere videtur. Sapor, quem unanimi consensu Herbaceum vocant, debilis est, siccus herbaceus & stiptico mixtus, adeo ut pulvis Theæ, solutioni Vitrioli vel aquæ acidulari infusus, mixturam tingat nigram. Stipticæ haec Theæ proprietas, in cauſa est, quod corroborans aliquo modo sit & fibras exsiccans, & infusum citius e corpore, quam aqua sola, foliis non imbuta, evacuetur. Frequentius sine lacte & saccharo haustum, eundem fere praestat effectum ac Decocta lignorum mundificantia, fibras reddendo angustiores & arctiores, quare etjam a Medicis sub cohorte attenuantium medicamentorum comprehenditur. Hinc obesis & pinguoribus maxime proficit, macilentis vero & exsuccis nocet, qui ex largiori hujus infusi ingurgitatione, sensationem quandam molestam interne mox percipiunt. Hoc etjain comprobant Hermanni & Grimii observationes in India factæ, strenuos Theæ potatores in Maramsum tandem incurrisse, docentes, quod de virtute Theæ attenuante & exsiccante, maximum est testimonium.

Theam, Botanice considerantes, medium COLUMNIFERAS inter & TRICOCCAS inveniemus, Thea enim & Camellia adeo sunt similes, ut vix nisi flore & præsertim calyce distingui possint. Camellia & Stevartia ea-

dem junctæ sunt affinitate, ac *Stewartia* & *Tilia*, hæs vero in ordinem Columniferarum esse referendas, inter alia suadent *Mollities*, *folia alterna*, *Stipulae* &c. Altera autem parte tricoccæ, a reliquis tam distinctæ, sibi vindicant Theam, quippe quam eodem charactere denotatam: *fructu tricocco*. Conjectura hinc facillime esset facienda, Theam primita creatione originem debere tricoccæ a Columnifera quadam fœcundatæ. Cum a posteriore constet, plurimas Classum *Polyandriæ* plantas, magis minusve esse venenatas, id est, in se quidquam continere corpori haud facile assimilandum, ideoque naturæ inimicas, a priori etiam de Thea idem merito prædicatur. Multas vero dari plantas, tenellas innocuas, adultiores venenatas, experientia testatur. Sic URTICAM dioicam (Fl. Sv. 863.) vere in oleribus edimus; PHYTOLACCAM tempore verno in jusculis adhibent gentes septentrionalis Americæ, media aestate lethalem, quid? quod & ipsum ACONITUM, quam primum e terra erupit, coquunt Medelpadi. (Fl. lapp. p. 179.) Par argumentandi ratio de Thea etiam valeat, quippe cuius folia recentissima & tenerrima mox fortissimam subeunt tostionem, ut malignitas, si quæ eis inesset, hoc modo diminui queat. Exemplo hoc probabimus. Fortissima scimus purgantia, ut: GRATIOLA, ASARUM &c, diutius cocta, tantum diuretica evadere, omnem amittentia vim purgantem. Radix JATROPHÆ Manduccæ, omnium venenatissima, coctione ita suam deponit vim virosam, ut panem saluberrimum postea ex illa conficiant Peruviani. Huc quoque accedunt narrationes Kämpferi aliorumque, quæ, incolas ipsos non prius ausos Theæ foliis infusum parare, ostendunt, quam unius saltem anni habeant ætatem, ut de amissa eorum qualitate maligna, certi esse possint.

X. PROPINATIO.

AQUÆ, alterius partis Infusi Theæ constitutivæ,
heic

heic etjam qualitas venit consideranda. Omne calidum, simul humidum, fibras flaccidas reddit & laxiores, ut in omnibus videre licet cataplasmatibus externis. Aquæ frigidæ usus, ventriculum & viscera corroborat, cibi facit appetentiam, & evacuationes promovet; liquida e contra calidiora, ventriculum debilitant, appetitum prosterunt, excretiones impediunt. Digna sunt *Plinii* verba, quæ afferantur: *Nullum, inquit, animal, præter hominem, calidos sequitur potus, ideoque non naturales sunt.* Bruta omnia animantia, *Equi, Pecora, Sues,* calidis nutriti cibis, ita delumbes fiunt & elumbes, ut vix incedere valeant. Romanæ olim gentes, thermopolii suis ita fuerunt enervatæ, ut ab eorum usu abstinentem lege sanxerint. Sed quid testimonio tam longinquo opus? Tabernarum enim *Coffeæ* quotidianos hospites, exsuccos videmus & infirmos. Plura quidem in hac re suppeterent dicenda, quæ jam præterimus, otio nobis facto ab Auctore Dissertationis, sub moderamine Praesidis, de *fervidorum & gelidorum usu.* Unicum tantum addam, Aquam calidam non solum vires magis adimere, verum etjam difficilius e corpore eliminari, si non folia adjicerentur Theæ, quæ urinam pellerent.

Saccharum infuso additum, humores eorumque particulas aciores edulcorat, fibras facit laxiores, magna que ex parte vim Theæ exsiccantem & attenuantem, consumit, adeo ut potus cum saccharo haustus, multo sit salubrior. Modus autem, etjam in saccharatis, respiciendus sit, oportet, ne suo modo debilitent.

XI. VIRES.

Vires Theæ potus, a posteriori expertas, paucis commemorate lubet.

Situm extinguit, sanguinem a sordibus mundat, & in eo reliquos præstat potus, quod acorem æstivo tempore non facile contrahat. *Scorbuticis* proficit, falsum eorum sanguinem abluedo, nec non *Sedentariis & Gulæ deditis*

quibus massa sanguinea, ex parco nimis motu & acido
vini facta est impurior, maxime expedit. Quatenus in-
fusum, *urinam pellit, renes eluit, a calculo liberat.* A
Chinenibus ipsis in primis laudatur in *Typhomania & Ca-*
tapora, quæ vulgo *Coma vigil & Somnolentum* dicuntur,
consentiente *Hermanno in lap. hyd. II in Convulsionibus*,
etiam a Variolis & Morbillis, summis laudibus effertur hu-
jus infusum in *Eph. Nat. Cur. dec. 3 ann. I. obs. 16. 18.* Absque
Saccharo & Lacte commendatur in *Sorinolentia & Polysar-*
chia, certe *emaciatis* absque lacte non convenit, uti nec
Diarrhæa laborantibus, quamvis vulgo commendatur. Ver-
bo ut omnia complectar: nullum hoc aptius datur vehi-
culum in medicamentis propinandis, nec forte aliis
quisquam potus magis in febribus placet, nullum hoc
magis in expedito confici posse, ut taceam. Ut autem
omne nimium nocet, sic etiam immodicus *Theæ* usus in-
commoda parit non numero leviora.

Cum omnibus calide assumentis liquidis, habet fervidus
hic potus commune, quod *dentibus noceat*, etenim a ni-
mio ejus usu fiunt nigri, fragiles & cariosi. *Ventriculum* a
frequente *Theæ* infuso debilitari omnes consentiunt, ut
& *partus reddi difficiliores*. Feris saltē septentrionalis
Americæ gentibus, recentiori ævo & *Thea* recepta, tria
haec innotuerunt incommoda, nunquam antea cognita,
dentes, puta, corruptos, ventriculi iufirmitates & partus dif-
ficiles, teste Cl. Kalmio. Ante enim usum *Theæ*, sine mu-
to doloris sensu, & solæ, aliorum ope non egentes, foetus
suos eniti potuerunt. In urbibus majoribus, ut Hambur-
gi, Amstelodami, &c, nobiliores feminas, tantum non
omnes, Potui *Theæ* per omnem fere diem indulgentes,
Leucorrhæa laborare observamus. Medici hujus mali cau-
sam in nimio *Theæ* usu ponunt, quam non absopam
judicent, qui *Theæ* vim debilitandi maximam cum otio
conjunctam, perpenderint. In tribus, iisque diversis

mors.

morbis, "Theam noxiā pronunciant Chinenses, in omnibus *Ophthalmiis*, in *Colica* & *Paralygi*. Vir beatæ memo-
riæ *Boerhavius*, malum in Hollandia observavit frequens,
apud veteres minus cognitum, quo, aegrotus in æsophago
veluti tuberculum sentit duriuscum, continuum; in
dissectis cadaveribus, glandulas vidi quasdam obstratas
& scirrhosas, quas, ita induratas, nimio adscribit calido
potui Theæ. Ceterum, in *Borborygmis*, *Anorexia*, *Cache-
xia*, *Hydrope*, & reliquis, a fibra debili, morbis exortis,
officit. Tabaco apud plurimas nationes tanū communi-
ter recepto, in usu etjam esse cœpit, quod, orientales
gentes fumum Tabaci aperto ore accipientes, infusum
Theæ superbibant, eum in finem, ut humores, quos e-
vacuavit Tabacum, fluido hoc restituunt, qui mos, in
morbis utilitate non omni carere videtur.

XII. MERCATURA.

Cum apud nos Europæos jamjam ita obtinuit consue-
tudo, ut *Thea* facta sit luxuriæ merx, quæstio non am-
plius erit de effectu & usu illius, mos enim inveteratus
rationibus nunquam mutari patitur. *Thea*, licet a remo-
tissimis Indiis maximo pretio aquirenda, tamen compa-
rabitur, hinc naves a tota Europa quotannis ad Chinam
mittuntur, ut foliis *Theæ*, vasis murrhinis & Serico rede-
ant onustæ. Recentiori autem ævo, plantationes Mori,
& cultura serici in australi Europa tantum ceperunt in-
crementum, ut tempus olim fit futurum, quo nihili pror-
sus serici e China egeamus redimendi. Methodus etjam
vasa conficiendi murrhina haud ita pridem in Saxonia,
Borussia, Gallia & patria nostra ita evasit exculta, ut forma
& coloribus praestent Chinensia vasa. Folia vero Theæ
adhuc sibi unice vindicant Chinenses Jucundum est visu,
Europæos omnium sapientissimos, alienas, inque Ame-
rica remotissimas, occupare terras, ibidem summo cum
labore *argentum* effodere pretiosissimum, in hoc ad Eu-
ropam

ropam transportando, maximum incurrere discrimen, nec minori denique cum periculo, idem ad alteram terræ partem, Indiam orientalem, transferre, foliorum tantummodo fruticis cujusdam reportandorum causa. Res omnes in China domesticæ & utensilia, ex argento dudum essent fabricata, nisi alimenta & operam, quam in Serico obtinendo iis ferunt incolæ Mogoliæ, puro compensarent argento. Cæci hi Mogolenses, thesauros suos omnes ante mortem in terram defodunt, eorum usum in futura vita sibi iterum concedi existimantes, adeo ut illud ipsum argentum, quod ex unius terræ partis visceribus effoditur, alterius rursus committitur. Ætas forte sit futura, qua, Princeps qvidam, Mogoliæ occupans imperium, illud iterum effodi & in Peruviam remitti curabit; alternæ enim sunt vices rerum.

XIII. ADPORTATIO.

D:rus Præses, qui hoc in *Itinere Westgotico* p. 156. fusius explicavit, per viginti annos in id incubuit, ut Theæ fruticem in Europam & patriam in primis transportandum curaret. Vicies semina ejus terræ commisit, sine tamen ullo successu, quia plurima, effoeta & ad germinationem fuerunt inepta, quod in ipsa China sæpiissime contingit, adeo ut a quinque vel pluribus in unam terræ fossam demissis, vix unum alterumve germinet. Ut maxime oleosa, rancida etiam subito fiunt, quod non mirum, cum lineam æquinoctialem bis transeant. Deinde Professorem *Gmelinum* p. m. rogavit, ut, cum agmine Moscovitarum ad Chinam iter facientium, (*Caravanæ*) ea transveher studeret. Hoc vero modo obtineri non potuerunt, etenim uno cuique Moscovitæ, ad murum Chinensem advesto, duo dentur Chinenses, qui omnes ejus actiones observent, iter eorum præterea per biennium durans, ut taceam. Vivos tum a China cum navibus redeuntibus frutices comparari posse existimavit,

in

in hoc vero jacturam fecit suæ opinionis. Unicum Theæ fruticem, a China in patriam redux D. Pastor *Osbeck*, eis promontorium Capitis bonæ spei traduxit, quem turbo, nescio quis, subito ortus, de stega navis in mare dejecit. Commerciorum Confiliarius *Lagerström* binos ad hortum Upsaliensem attulit frutices, per duorum annorum spatiū optime vigentes; flores vero tandem erupti, astutiam prodiderunt Chinensium, non Theam, sed *Camelliam* fruticem esse ostendendo; Theæ ita erant assimiles, ut oculos peritissimi omnium Botanici fallere possent, folia tantummodo latiora videbantur, & hoc a loco alieno profiscisci fuit dictum. Opera postea fautoris cuiusdam, unicus, summa cum difficultate, frutex Gothoburgum venit, in mensa vero cameræ navis anterioris (*Cajutan*) a nautis ad urbem diu desideratam ruentibus, vespere impositus, nocte a muribus nauticis miserrime ita fuit laceratus, ut emoreretur. Honestissimo tandem & alacerrimo Navarchæ *Carolo Gustavo Ekeberg* persuasor fuit D. Præses, ut semina recentia, mox ante navis e China discessum, in ampulla terræ comitteret, quò, in itinere, postquam æquatoriem transiverit navis, ante adventum Gothoburgi, germinarent. Hoc ei ita successit, ut, navi Gothoburgum appulsa, omnes exortæ fuerint plantæ, quarum dimidia pars Upsaliam mox missa, in itinere periit, alteram ipse huc adtulit 1763 die tertia mensis Octobris, cujus singulis adhuc plantis adhærebant tenelli cotyledones seminum; duæ harum adhuc laetæ crescunt seque heic sistunt conspiciendas. In hortis Europæ, tantum non omnibus botanicis, frutex ostenditur Theæ, (*Caffine*) quem tamen inter & Theam genuinam, maximum est discrimen, nec in ullo horto botanico crevit, antequam huc fuit allatus.

In relatione quadam publica proxime præteriti mensis, Abbatum legimus Gallovium, Theam a patria Chi-

na


m secum Trias um Gallorum adduxisse, eamque ut primo n Europa visam Regi obtulisse, quem tamen honorem, ex antea dictis, nostratis deberi constat.

Cum Thea intensissimum frigus Pechini tolerare pos sit, quid obstat, quo minus etiam nostros ferret hiemes? Conterranea ejus, *Syringa vulgaris*, Climati nostro, æque ac unquam Cerasus & Prunus, adsveta est. Cum paucis, quos habemus, Theæ fruticibus, non licuit instituere experientia, solicite enim sunt curandi, ut propagines sprentur, quibus transplantari queant. Si Theæ plantationes, ut possunt, excoolerentur, post dimidiam tandem seculi partem, nihil plane lucria foliis suorum fruticum exportandis, reportarent Chinenses. Tempore, quo Coffea Arabum erat monopolium, totus fere orbis iis de lit tributum, quod, opera demum Consulis Amstelodami Witteni, cessavit. Idem lucri damnum, toto ex pectori, optamus Chinensibus, ut semel ab illorum tributo, liberemur.

TANTUM.

EXPLICATIO TABULÆ.

- a. *Fructus immaturus.*
- b. - - - *maturus.*
- c. - - - *debiscens.*
- d. *Semen.*
- e. *Stamina.*
- f. *Pistillum.*





THEA bohea

